

歷代帝王宅京記卷四

崑山顧炎武著

吳縣朱記榮校刊

關中二

漢

駘蕩宮 春時景物駘蕩滿宮中也

馭娑宮 馭娑馬行疾貌馬行迅疾一日之間遍中言

宮之大也

枌詣宮 枌詣木名美木茂盛也

天梁宮 梁木至于天言宮之高也四宮皆在建章宮

奇華殿 在建章宮傍四海夷狄器服玲寶火浣布切

玉刀巨象大雀師子宮馬充塞其中

歷代帝王宅京記卷四

宋氏槐廬校刊

鼓簧宮 漢宮閣疏云在建章宮西北

神明臺 漢書曰建章有神明臺廟記曰武帝造祭仙

人處高五丈上有承露盤有銅仙人舒掌捧銅盤玉杯

以承雲表之露以露和玉屑服之以求僊道長安記仙

人掌大七圍以銅爲之魏文帝徙銅盤折聲聞數十里

宋書五行志魏明帝青龍中盛修宮室西取長安金狄承露槃折聲聞數十里金狄泣于是留霸城也

鳳闕 宮殿疏曰建章宮東有鳳闕高二十餘丈師古

曰闕闌上有銅鳳闕中記曰建章宮圓闕臨北道鳳在

上號曰鳳闕

三秦記秦侯後八世穆公稱伯以河爲竟十餘世孝公

用商君制轅田開阡陌東雄諸侯子惠公初稱王得上

郡西河孫昭王開巴蜀滅周取九鼎昭王曾孫政并六國稱皇帝負力怙威燔書院儒自任私智至子胡亥天下畔之故秦地于禹貢時跨雍梁二州詩風兼秦幽兩國昔后稷封釐公劉處豳大王徙郊文王作鄴武王治鎬其民有先王遺風好稼穡務本業故豳詩言農桑衣食之本甚備有鄴杜竹林南山檀栢號稱陸海爲九州膏腴師古曰言其地高陸而饒物產如海之無所不出故云陸海腹之下肥曰腴故取喻云始皇之初鄭國穿渠引涇水溉田沃野千里而以富饒漢興立都長安徙齊諸田楚昭屈景及諸功臣家于長陵後世世徙吏二千石高訾富人及豪傑并兼之家于諸陵師古曰訾與貫同蓋亦以疆幹弱支師古曰謂京師爲幹四方爲支非獨以奉

歷代帝王宅京記卷四 二

宋氏槐廬校刊

山園也是故五方雜厝

晉灼曰厝古錯字

風俗不純其世家則

好禮文富人則商賈爲利豪傑則游俠通姦瀕南山近夏陽多阻險輕薄易爲盜賊常爲天下劇又郡國輻湊浮食者多民去本就末列侯貴人車服僭上衆庶放效羞不相及嫁娶尤崇侈靡送死過度

又曰秦地天下三分之一而人衆不過什三然量其富居什六吳札觀樂爲之歌秦曰此之謂夏聲師古曰夫能夏則大大之至也其周之舊乎自井十度至柳三度謂之鶉首之次秦之分也

高帝本紀曰五年秋後九月治長樂宮

史記七年二月宮成丞相已下

徙治長安十年十月淮南梁燕荆楚齊長沙王皆來朝長樂宮

功臣表陽城延爲少府作長樂未央宮築長

安城先就封
梧侯五百戶

七年蕭何治未央宮立東闕北闕前殿武庫太倉師古曰見

上闕中記曰東有蒼龍闕北有元武闕元武所謂北闕史記正義曰按北闕為正者蓋象秦作前殿渡渭水屬之咸陽以象天極閣道絕漢抵營室索隱曰秦家舊宮皆在渭北立東闕北闕者蓋取其便

惠帝本紀曰六年夏六月起長安市

文帝本紀曰四年秋九月作願成廟應劭曰文帝自為廟制度卑狹若願

望而成猶文王靈臺不日成之也如涓曰身存而為廟若尙書之顧命也

武帝本紀曰建元三年春作便門橋蘇林曰去長安四

安西北茂林東師古曰便門長安城北面西頭門即平門也古者平便皆同字于此通作橋跨渡渭之水以趨茂陵其道易直其今所謂便橋是也便讀如本字

元狩三年秋發謫吏穿昆明池臣瓚曰西南夷傳有越

歷代帝王宅京記卷四 三

宋氏槐廬校刊

百里漢使求身毒國而為昆明所閉令欲伐之故作昆明池象之以習水戰在長安西南周回四十里師古曰謫吏吏有罪者罰而役之

郊祀志曰作甘泉宮中為臺室畫天地泰一諸鬼神而

置祭具以致天神其後又作柏梁臺銅柱承露仙人掌

蘇林曰仙人掌承露盤承甘露師古曰三輔之屬矣故事云建章宮承露盤高二丈大七圍以銅

為之上有仙人掌承露和玉屑飲之張衡西京賦所云立修莖之仙人掌承雲表之清露是也

元鼎二年春起柏梁臺

食貨志曰是時粵欲與漢用船戰遂迺大修昆明池列

館環之治樓船高十餘丈旗織加其上甚壯織織于是

天子感之迺作柏梁臺高數十丈宮室之脩繇此日麗

本紀曰三年冬徙函谷關于新安應劭曰時樓船將軍楊僕數有大功恥為

關外民上書乞徙東關以家財給其用度武帝以故關意亦好廣闊于是徙關于新安去宏農三百里以故關為宏農縣

元封二年夏作甘泉通天臺長安飛廉館應劭曰飛廉神禽能致風氣者也晉灼曰身似鹿頭如爵有角而蛇尾文如豹文師古曰通天臺者言此臺高上通于天也漢舊儀云高三千丈望見長安城

郊祀志公孫卿曰僊人可見而上往常遽以故不見今

陛下可為觀如緱氏城置脯棗神人宜可致也且僊人

好樓居于是上令長安則作飛廉桂館師古曰甘泉則

作益壽延壽館師古曰二館名宋黃伯思曰按史記作

瓦其首作益延壽三年瓦徑尺字書奇古即此觀當時一里通天台志云延壽觀在雍州雲陽縣西北八十里為正但一觀名益延壽三字耳師古謂益壽延壽二館

歷代帝王宅京記卷四

四

宋氏槐廬校刊

非是館當從史記作觀館古多相通自唐以前六朝時凡道觀皆謂之某館至唐始定謂之觀也

使卿持節設具而候神人迺作通天臺置祠具其下將

招來神僊之屬于是甘泉更置前殿始廣諸宮室

本紀曰太初元年冬十一月乙酉柏梁臺災春二月起

建章宮師古曰在未央宮西今長安故城西俗所呼貞女樓者即建章宮之闕也

郊祀志曰上以柏梁災故受計甘泉公孫卿曰黃帝就

青靈臺十二日燒師古曰就成也造臺適成經十二日即遇火燒黃帝乃治明

庭明庭甘泉也方士多言古帝王有都甘泉者其後天

子又朝諸侯甘泉甘泉作諸侯邸粵人勇之曰粵俗有

火災復起屋必以大用勝服之于是作建章宮度為千

門萬戶前殿度高未央度並音大各反其東則鳳閣高二十餘

丈師古曰三輔故事云其闕園上有銅鳳凰其西則商中數十里虎圈如商
日商中商庭也師古曰商金也于秋故謂西方之庭為
商庭言廣數十里於菟亦西方之獸故于此置其圈也
其北治大池漸臺高二十餘丈名曰泰液師古曰漸浸
為水所浸故曰漸臺一音子廉反池中有蓬萊方丈瀛
洲壺梁象海中神仙龜魚之屬師古曰三輔故事云池
北岸有石魚長二丈高
五尺西岸又石其南有玉堂壁門大鳥之屬師古曰立
龜三枚長六尺其南有玉堂壁門大鳥之屬師古曰立
立神明臺井幹樓高五十丈輦道相屬焉師古曰漢宮
臺高五十丈上有九室恒置九天道士百人然則神明
井幹俱高五十丈也井幹樓積水而高為樓若井幹之
形也井幹者井上木欄也其形或四角或八角張衡西
都賦云井幹疊而百層即謂此樓也幹或作翰其義並
同

本紀曰四年秋起明光宮

歷代帝王宅京記卷四

五

宋氏槐廬校刊

宣帝本紀曰神爵三年春起樂游苑

師古曰三輔黃圖曰在杜陵西北又

關中記云宣帝立廟于曲池之北號樂游按其處則今苑後因立廟之所呼樂游廟者是也其餘基尙可識焉蓋本為樂游樂音來各反

郊祀志曰以方士言為隨侯劔寶玉寶璧周康寶鼎立

四祠于未央宮中又立歲星辰星太白熒惑南斗祠于

長安城傍京師近縣鄠則有勞谷五牀山日月五帝僊

人玉女祠雲陽徑路神祠祭休屠王也

師古曰休屠匈奴王號也徑路

神本匈奴之祠也屠音除

元帝本紀曰初元二年春三月詔罷水衡禁園宜春下

苑孟康曰宮名也在杜縣東晉灼曰史記云葬二世杜

南宜春苑中師古曰宜春下苑即今京城東南隅曲江池少府飲飛外池如清曰漢儀注飲飛具增繳嚴籟

是射鳧雁給祭祀故有池也

池田蘇林曰嚴節池上之屋及其池也晉灼曰嚴籩射苑也許慎曰嚴弋射者所蔽也池田苑中田也師

古曰晉假與貧民

五年夏四月罷上林宮館希御幸者

成帝本紀曰建始元年秋罷上林宮館希御幸者三十

六所

外戚傳曰趙皇后既立後寵少衰而弟絕幸為昭儀居

昭陽宮其中庭彤朱而殿上髹漆師古曰以漆漆物謂之髹許求反切

皆銅沓冒黃金塗師古曰切門限也沓冒其頭也白玉

階壁帶往往為御黃金釭函藍田璧明珠翠羽飾之師古曰

日壁帶壁之橫木露出如帶者也于壁帶之中往往以金為釭若車釭之形也其釭中著玉璧明珠翠羽耳釭

音工自後宮未嘗有焉

歷代帝王宅京記卷四 六

朱氏槐廬校刊

平帝本紀曰元始元年夏六月罷明光宮及三輔馳道

二年夏起五里于長安城中如淳曰民居之里宅二百區以居

貧民

四年春立明堂辟廡

王莽傳曰莽奏起明堂辟廡靈臺為學者築舍萬區作

市常滿倉制度甚盛

五年秋莽以皇后有子孫瑞莽女為平帝后通子午道張晏曰

四始有婦人之道也子水午火也水以天一為牡子午

道從杜陵直絕南山徑漢中師古曰子北方也午南方

之子午耳今京城直南山有谷通梁漢道者名子午谷

又宜州西界慶州東界有山名子午嶺計南北直相當

此則北山者是子南山者是午共為子午道後漢書

順帝紀詔益州刺史罷子午道通褒斜路註云秦記曰

子午長安正南山名秦嶺谷一名樊川褒斜漢中谷名南谷為褒北谷為斜首尾七百里

始建國元年春正月改明光宮為定安館定安太后居之平帝改公車司馬曰王路四門長樂宮四常樂室未

央宮曰壽成室前殿曰王路堂服虔曰如言路寢也長安曰常安

地皇元年秋望氣為數者多言有土功象莽下書曰予

受命遭陽九之厄百六之會府帑空虛百姓匱乏宗廟

未修且禘祭于明堂太廟夙夜永念非敢甯息深惟吉

昌莫良于今年予乃卜波水之北郎池之南惟玉食劉

日長安南也師古曰黃圖有西波池郎池皆在石城南上林中玉食謂龜為玉兆之文而墨食也波音彼皮反

予又卜金水之南明堂之西亦惟玉食予將親築焉于

是遂營長安城南師古曰蓋所謂金水之南明堂之北捉封百頃九月甲

歷代帝王宅京記卷四 七

朱氏槐廬校刊

申莽立載行視師古曰立載謂立而乘車也親舉築三下司徒王尋

大司空王邑持節及侍中常侍執法杜林等數十人將

作師古曰將領築作之人壞徹城西苑中建章承光包陽大臺儲

元宮及平樂當路陽祿館凡十餘所師古曰自建章以下至陽祿皆上林苑中

取其材瓦以起九廟一曰黃帝太初祖廟二曰帝

虞始祖昭廟三曰陳胡王統祖穆廟四曰齊敬王世祖

昭廟五曰濟北愍王王祖穆廟凡廟不墜云師古曰墜毀也音火

規六曰濟南伯王尊廟昭廟七曰元城孺王尊廟穆廟

八曰陽平頃王戚廟昭廟九曰新都顯王戚廟穆廟殿

皆重屋太初祖廟東西南北各四十丈高十七丈餘廟

半之為銅薄櫨師古曰薄櫨柱上枅即今所謂栝也櫨音盧飾以金銀珣文

師古曰窮極百工之巧帶高增下師古曰本因高地而建立之其旁下者更

增築功費數百鉅萬卒徒死者萬數

二年莽夢長樂宮銅人五枚起立惡之念銅人銘有皇

帝初兼天下之文即使尙方工鑄滅所夢銅人師古曰謂膺文師古曰鑄鑿也

音子全反又感漢高廟神靈師古曰謂遣虎賁武士入

高廟拔劍四面提擊師古曰提擲也音徒計反斧壞戶牖桃湯赭鞭

鞭灑屋壁師古曰桃湯灑之赭赤也令輕車校尉居其中又令

中軍北壘居高寢師古曰徙北軍壘之兵上于高廟寢中屯居也

三月春正月九廟成

二月癸巳霸橋災數千人以水沃救不滅莽惡之更名

霸館為長存館霸橋為長存橋

歷代帝王宅京記卷四 八

宋氏槐廬校刊

後漢書光武本紀曰建武十九年修西京宮室

郊祀志曰莽篡位二年興神僊事以方士蘇樂言起八

風臺于宮中臺成萬金作樂其上順風作液湯又種五

梁禾于殿中師古曰五色禾也各順色置其方面先鬻鶴醢毒

冒犀玉二十餘物漬種師古曰鬻古煮字醢古醢字謂鬻取汁以漬穀子也毒音代冒

音莫內反計粟斛成一金

地理志曰京兆尹故秦內史高帝元年屬塞國二年更

為渭南郡九年復為內史武帝建元六年分為右內史

師古曰表云景帝分置據史記知志誤太初元年更為京兆尹縣十二

長安 新豐 船司空 藍田 華陰

鄭 湖 下邦 南陵 奉明

霸陵 杜陵

左馮翊故秦內史高帝元年屬塞國二年更爲河上郡
九年復爲內史武帝建元六年分爲右內史太初元年
更名左馮翊縣二十四

高陵 櫟陽 翟道 池陽 夏陽

衙 栗邑 蓮勺 鄜 頻陽

臨晉 里泉 郃陽 祿祔 武城

谷口 沈陽 襄德 徵 雲陵

萬年 長陵 陽陵 雲陽

右扶風故秦內史高帝元年屬雍國元年更爲中地郡
九年復爲內史武帝建元六年分爲右內史太初元年

歷代帝王宅京記卷四 九

宋氏槐廬校刊

史名主爵都尉爲右扶風師古曰主爵都尉本秦之主
爵中尉掌列侯至太初元年
更名右扶風而
治于右內史地縣二十一

渭城 槐里 鄠 盩屋 滎

郁夷 美陽 郿 雍 漆

枸邑 隃麋 陳倉 杜陽 汧

好畤 號 安陵 茂陵 平陵

武功

平帝紀曰元始四年分京師置前輝光後丞烈二郡
地理志曰華陰有集靈宮武帝起

右扶風槐里有黃山宮孝惠二年起

三輔黃圖序曰易曰上古穴居而野處後世聖人易之

以宮室上棟下宇以待風雨蓋取諸大壯三代盛時木
聞宮室過制秦穆公居西秦以境地多良材始大宮觀
戎使由余適秦穆公示以宮觀由余曰使鬼爲之則勞
神矣使人爲之亦苦民矣是則穆公時秦之宮室已壯
大矣惠文王初都咸陽取岐雍巨材新作宮室南臨渭
北踰涇至于離宮三百復起阿房未成而亡

按離宮三百及起阿

房皆始皇事也始皇并滅六國憑藉富強益爲驕侈殫天下財
力以事營繕項羽入關燒宮闕三月火不絕漢高祖有

天下始都長安寔曰西京欲其子孫長安都于此也

長安

本秦之鄉名高祖作都至孝武王帝承文景菲薄之餘恃邦國阜

繁之資土木之役倍秦越舊斤斧之聲舂鑄之勞歲月

歷代帝王宅京記卷四 十

宋氏槐盧校刊

不息蓋逞其邪心以誇天下也昔孔子作春秋築一臺
新一門必書于經謹其廢農時奪民力也今哀采秦漢
以來宮殿門闕樓觀池苑在關輔者著于篇曰三輔黃
圖云東都不與焉

三輔 禹貢九州舜置十二牧雍其一也古豐鎬之地

平王東遷以岐豐之地賜秦襄公至孝公始都咸陽在

九嶼山南渭水北故名咸陽

山南曰陽水北曰陽

秦并天下置內
史以領關中項籍滅秦分其地爲三以章邯爲雍王都

廢邱司馬欣爲塞王都櫟陽董翳爲翟王都高奴謂之

三秦漢高祖元年定三秦更爲渭南郡九年罷郡復爲

內史景帝分置左右內史此爲右內史武帝太初元年

改內史爲京兆尹與左馮翊右扶風謂之三輔

三輔治所京兆在故城南尙冠里馮翊在故城內太上皇廟西南扶風在夕陰街北

三輔者謂主爵中尉及左右內史漢武帝改曰京兆尹

左馮翊右扶風其治長安城中是之謂三輔按百官表

引黃圖云京兆在尙冠前街東入故中尉府馮翊在太

上皇廟西入口口口口口右扶風在夕陰街北入故主爵府

長安以東爲京兆長陵以北爲馮翊渭城以西爲右扶風

郡京輔都尉治華陰左輔都尉治高陵右輔都尉治郿

王莽分長安城旁六卿置帥各一人分三輔爲六尉郡

渭城安陵以西北至栒邑義渠十縣屬京尉大夫府居

故長安寺高陵以北十縣屬師尉大夫府居故廷尉府

歷代帝王宅京記卷四

十一

宋氏槐廬校刊

新豐以東至湖十縣屬翊尉大夫府居城霸東陵杜陵

以東至藍田西至武功郁夷十縣屬光尉大夫府居城

西茂陵槐里以西至汧十縣屬扶尉大夫府居城西長

陵池陽以北至雲陽祿祔十縣屬列尉大夫府居城北

後漢光武之後扶風出治槐里馮翊出治高陵後漢百官志曰

中興都雒陽以三輔陵圖所在不改其號但減其秩與太守同

漢長安故城 高帝七年修長安宮城自櫟陽徙居之

本秦離宮也初置長安城本狹小至惠帝更築之城高

三丈五尺下闊一丈五尺上闊九尺雉高三坂周回六

十五里城南爲南斗形北爲北斗形至今人呼漢京城

爲斗城是也漢舊儀曰長安城中經緯各長三十二里

十八步地九百七十二頃八街九陌三宮九府三廟十二門九市十六橋地皆黑壤今赤如火堅如石父老傳云盡鑿龍首山土爲城水泉深二十餘丈樹宜槐與榆松柏茂盛焉城下有池周繞廣三丈深二丈石橋各六丈與街相通典高宗咸亨三年于岐州陳倉縣東南開渠引渭水入昇源渠通船楫至京故城舊唐書殷囑傳與統軍劉宏基率兵六萬屯長安故城

許敬宗傳高宗于古長安城游覽命敬宗與宏文館學士具檢秦漢以來歷代宮室處所以奏

城十二門 長安城東出南頭第一門曰霸城門民見門色青名曰青城門或曰青門門外舊出佳瓜廣陵人

歷代帝王宅京記卷四

三

宋氏槐廬校刊

召平爲秦東陵侯秦破爲布衣種瓜青門外瓜美故時人謂之東陵瓜廟記曰霸城門亦曰青綺門漢書王莽天鳳三年霸城門災莽更霸城門曰仁壽門無疆亭後周書武帝紀建德六年五月青城門無故自崩宣帝紀大象元年三月庚申至自東巡帝親擐甲胃入自青門長安城東出第二門曰清明門一曰籍田門以門內有籍田倉一曰凱門漢書平帝元始四年東風吹瓦屋且盡卽此門也漢宮殿疏曰第二門名城東門莽更曰宣德門布恩亭

長安城東出北頭第一門曰宣平門民間所謂東都門

史記孝景中三年軍東都門外漢書成帝建始元年有白蛾羣飛蔽日

從東都門至軹道又疏太傅廣少傅受上疏乞骸骨歸
公卿大夫爲設祖道供張東都門外卽此門也後漢書
董卓傳
王允奉天子保
宣平城門樓上其郭門亦曰東都門卽逢萌挂冠處也
昌邑王賀傳至廣明東都門卽
中令龔遂曰此長安東都門也東都門至外郭亭十三
里莽更名曰春王門正月亭

長安城南出東頭第一門曰覆盜門廟記曰覆盜門與
洛門相去十三里二百一十步門外有魯班輪所造橋
工巧絕世其南有下杜城應劭曰故杜陵之下聚落也
故曰下杜門又曰端門北對長樂宮漢書戾太子傳斫
覆盜門出奔湖蔡義傳遷補
覆盜城門侯莽更名曰永清門長茂亭
漢城門皆有候門候主候時謹啟閉也三輔決錄曰

歷代帝王宅京記卷四 三

宋氏槐廬校刊

長安城面三門四面十二門皆通達九達以相經緯衢
路平正可並列車軌三塗洞開隱以金椎周以林木左
出右入爲往來之徑行者升降有上下之別班固西都
賦云披三條之廣路立十二之通門張衡西京賦云城
郭之制則旁開三門參塗夷庭方軌十二街衢相經塵
里端直豐宇齊平是也

光緒歲在著雍困敦春月吳縣朱記榮槐廬家塾校刊
歷代帝王宅京記卷四終